



20 ნოემბერი, 2023

№ 23/02-404

საქართველოს გარემოს დაცვისა და სოფლის
მეურნეობის მინისტრს
ბატონ ოთარ შამუგიას

ადმინისტრაციული საჩივრის ავტორი:
ა(ა)იპ „მწვანე ალტერნატივა“
ს/კ 204952676

ადმინისტრაციული საჩივარი

გასაჩივრებული მოქმედება: სსიპ გარემოსდაცვითი ინფორმაციისა და განათლების ცენტრის დირექტორის მოვალეობის შემსრულებლის 2023 წლის 17 ოქტომბრის №01/1/2624 გადაწყვეტილება, რომლითაც არ დაკმაყოფილდა ა(ა)იპ „მწვანე ალტერნატივას“ 2023 წლის 9 ოქტომბრის №23/09/03-121 განცხადების მოთხოვნა შპს „ჯორჯიან მანგანუზის“ სკოპინგის ანგარიშის საჯარო განხილვის აუდიოჩანაწერის გადაცემის თაობაზე და სსიპ გარემოსდაცვითი ინფორმაციისა, განათლების ცენტრის დირექტორის 2023 წლის 1 ნოემბრის გადაწყვეტილება, რომლითაც არ დაკმაყოფილდა ა(ა)იპ „მწვანე ალტერნატივას“ 2023 წლის 19 ოქტომბრის №23/09/03-122 განცხადების მოთხოვნა შპს „ჯორჯიან მანგანუზის“ სკოპინგის ანგარიშის საჯარო განხილვის აუდიოჩანაწერის გადაცემის თაობაზე.

ადმინისტრაციული საჩივრის მოთხოვნა: გაუქმდეს სსიპ გარემოსდაცვითი ინფორმაციისა და განათლების ცენტრის დირექტორის მოვალეობის შემსრულებლის 2023 წლის 17 ოქტომბრის №01/1/2624 გადაწყვეტილება, რომლითაც არ დაკმაყოფილდა ა(ა)იპ „მწვანე ალტერნატივას“ 2023 წლის 9 ოქტომბრის №23/09/03-121 განცხადების მოთხოვნა და სსიპ გარემოსდაცვითი ინფორმაციისა და განათლების ცენტრის დირექტორის 2023 წლის 1 ნოემბრის გადაწყვეტილება, რომლითაც არ დაკმაყოფილდა ა(ა)იპ „მწვანე ალტერნატივას“ 2023 წლის 19 ოქტომბრის №23/09/03-122 განცხადების მოთხოვნა საჯარო ინფორმაციის გადაცემის თაობაზე; და სსიპ გარემოსდაცვითი ინფორმაციისა და განათლების ცენტრს დაევალოს ა(ა)იპ „მწვანე ალტერნატივას“ 2023 წლის 9 ოქტომბრის №23/09/03-121 და 19 ოქტომბრის №23/09/03-122 განცხადებებით მოთხოვნილი საჯარო ინფორმაციის გადმოცემა.

გარემოებანი, რომელსაც ეფუძნება საჩივრის მოთხოვნა:

1. ა(ა)იპ „მწვანე ალტერნატივამ“ 2023 წლის 9 ოქტომბერს განცხადებით მიმართა სსიპ გარემოსდაცვითი ინფორმაციისა და განათლების ცენტრს და მოითხოვა - 2023 წლის 5 ოქტომბერს ქ. ქიათურასა და სოფ. ზოდში შპს „ჯორჯიან მანგანუზის“ ქ. ქიათურაში არსებული სასარგებლო წიაღისეულის გადამამუშავებელი საწარმოს (მანგანუმის მადნის გამამდიდრებელი ფაბრიკა) ექსპლუატაციის პირობების ცვლილების სკოპინგის ანგარიშის საჯარო განხილვების აუდიოჩანაწერები.

სსიპ გარემოსდაცვითი ინფორმაციისა და განათლების ცენტრის დირექტორის მოვალეობის შემსრულებლის 2023 წლის 17 ოქტომბრის წერილით (გადაწყვეტილება) განმცხადებელს ეცნობა, რომ საჯარო განხილვის სხდომის აუდიო ჩაწერა ხორციელდება ოქმის სისწორის უზრუნველყოფის მიზნით, ხოლო საჯარო განხილვის ჩატარებიდან 5 დღის ვადაში დგება საჯარო განხილვის შესახებ ოქმი. „მწვანე ალტერნატივას“ გადაეცა ქ. ქიათურასა და სოფ. ზოდში შპს „ჯორჯიან მანგანუზის“ ქ. ქიათურაში არსებული სასარგებლო წიაღისეულის გადამამუშავებელი საწარმოს ექსპლუატაციის პირობების ცვლილების სკოპინგის ანგარიშის საჯარო განხილვების სხდომების ოქმები და ეცნობა, რომ ოქმების გაცნობიდან 3 დღის ვადაში უფლება აქვს წარადგინოს შენიშვნები.

2023 წლის 17 ოქტომბრის წერილიდან ნათელია, რომ ცენტრის დირექტორის მოვალეობის შემსრულებელმა გადაწყვიტა მოთხოვნილი აუდიოჩანაწერების ნაცვლად ორგანიზაციისათვის საჯარო განხილვის ოქმები გადაეცა.

მტკიცებულება:

დანართი №1. ა(ა)იპ "მწვანე ალტერნატივას" 2023 წლის 9 ოქტომბრის №23/09/03-121 წერილი.
დანართი №2. სსიპ გარემოსდაცვითი ინფორმაციისა, განათლების ცენტრის დირექტორის მოვალეობის შემსრულებლის 2023 წლის 17 ოქტომბრის №01/1/2624 წერილი (გადაწყვეტილება).

2. "მწვანე ალტერნატივამ" 2023 წლის 19 ოქტომბერს სსიპ გარემოსდაცვითი ინფორმაციისა და განათლების ცენტრს აცნობა, რომ 2023 წლის 9 ოქტომბრის წერილით ითხოვდა საჯარო განხილვის აუდიოჩანაწერს და არა ოქმს, რომელიც გადაეცა და მოითხოვა 2023 წლის 5 ოქტომბერს ქ. ქიათურასა და სოფ. ზოდში ჩატარებული საჯარო განხილვების აუდიოჩანაწერების გადაცემა.

სსიპ გარემოსდაცვითი ინფორმაციისა და განათლების ცენტრის დირექტორის 2023 წლის 1 ნოემბრის №01/1/2811 წერილით (გადაწყვეტილება) „მწვანე ალტერნატივას“ ეცნობა, რომ საქართველოს გარემოს დაცვისა და სოფლის მეურნეობის მინისტრის 2018 წლის 22 თებერვლის №2-94 ბრძანებით შემუშავდა და დამტკიცდა „საჯარო განხილვის წესი“, რომელიც ადგენს საჯარო განხილვის ჩატარების, მასში საზოგადოების/დაინტერესებული საზოგადოების მონაწილეობისა და ამ მიზნით შესაბამისი ინფორმაციის ხელმისაწვდომობის ზოგადი ადმინისტრაციული კოდექსისგან განსხვავებულ სპეციალურ წესებს. საქართველოს გარემოს დაცვისა და სოფლის მეურნეობის მინისტრის 2018 წლის 22 თებერვლის №2-94 ბრძანებით დამტკიცებული „საჯარო განხილვის წესის“ მე-10 მუხლის მე-4 პუნქტი ითვალისწინებს საჯარო ინფორმაციის ფარგლებში საჯარო განხილვის ოქმის გამოთხოვის და მასზე შენიშვნების წარმოდგენის შესაძლებლობას, ხოლო საჯარო განხილვის აუდიო-ჩაწერა ხორციელდება ოქმის შედგენის უზრუნველსაყოფად. სსიპ გარემოსდაცვითი

ინფორმაციისა, განათლების ცენტრის დირექტორის მოვალეობის შემსრულებლის 2023 წლის 1 ნოემბრის წერილით (გადაწყვეტილება) განმცხადებელს არ გადმოეცა მოთხოვნილი საჯარო ინფორმაცია. თუმცა, ცენტრის დირექტორის განმარტებიდან ნათელია, რომ „მწვანე ალტერნატივას“ მიერ მოთხოვნილი საჯარო ინფორმაცია დაცულია საჯარო უწყებაში.

მტკიცებულება:

დანართი №3. ა(ა)იპ „მწვანე ალტერნატივას“ 2023 წლის 19 ოქტომბრის №23/09/03-121 წერილი;
დანართი №4. სსიპ გარემოსდაცვითი ინფორმაციისა და განათლების ცენტრის დირექტორის 2023 წლის 1 ნოემბრის №01/1/2811 წერილი (გადაწყვეტილება).

საჩივრის სამართლებრივი საფუძვლები:

1. სსიპ გარემოსდაცვითი ინფორმაციისა და განათლების ცენტრი, რომელიც არის საქართველოს გარემოს დაცვისა და სოფლის მეურნეობის სამინისტროს მმართველობას დაქვემდებარებული სსიპ - წარმოადგენს ადმინისტრაციულ ორგანოს, რომელზეც საქართველოს ზოგადი ადმინისტრაციული კოდექსის მე-3 მუხლის თანახმად ვრცელდება ზოგადი ადმინისტრაციული კოდექსის დებულებანი.

2. საქართველოს ზოგადი ადმინისტრაციული კოდექსის მე-40 მუხლით ადმინისტრაციული ორგანოსათვის დაკისრებული ვალდებულების შესრულება არ გულისხმობს ინდივიდუალური ადმინისტრაციულ-სამართლებრივი აქტის გამოცემას. ამავე კოდექსის 2.1 მუხლის თანახმად, ინდივიდუალური ადმინისტრაციულ-სამართლებრივი აქტი არის ადმინისტრაციული ორგანოს მიერ ადმინისტრაციული კანონმდებლობის საფუძველზე გამოცემული ინდივიდუალური სამართლებრივი აქტი, რომელიც აწესებს, ცვლის, წყვეტს ან ადასტურებს პირის ან პირთა შეზღუდული წრის უფლებებსა და მოვალეობებს. მოცემულ შემთხვევაში ადმინისტრაციული ორგანოს გადაწყვეტილება – უარი საჯარო ინფორმაციის გადმოცემაზე არ აწესებს, არ ცვლის, არ წყვეტს და არ ადასტურებს პირის ან პირთა შეზღუდული წრის უფლებებსა და მოვალეობებს (ინდივიდუალური ადმინისტრაციულ-სამართლებრივი აქტის ერთ-ერთი ძირითადი ელემენტი).

მაშასადამე, აღნიშნული გადაწყვეტილება (საჯარო ინფორმაციის გაცემაზე უარი) ფორმალურ-სამართლებრივი თვალსაზრისით წარმოადგენს ადმინისტრაციული ორგანოს მიერ განხორციელებულ ისეთ ქმედებას, რომელიც არ გულისხმობს ადმინისტრაციულ-სამართლებრივი აქტის გამოცემას ანუ სახეზეა რეალაქტი, რომელიც გამოიხატა ადმინისტრაციული ორგანოს უმოქმედობაში, მის მიერ საჯარო უფლებამოსილების კანონდარღვევით განხორციელებაში, რაც სზაკ-ის 5.1 მუხლის შესაბამისად დაუშვებელია.

3. სზაკ-ის 177.3 მუხლის თანახმად ადმინისტრაციული ორგანოს ქმედება, რომელიც არ არის დაკავშირებული ადმინისტრაციულ-სამართლებრივი აქტის გამოცემასთან, გასაჩივრდება ამ თავით დადგენილი წესით. მაშასადამე, ადმინისტრაციული ორგანოს უარი საჯარო ინფორმაციის გაცემაზე უარის თქმის შესახებ საჩივრდება სზაკ-ის მე-13 თავით დადგენილი წესით, ადმინისტრაციული საჩივრის უფლებამოსილ ორგანოში წარდგენის გზით.

4. მწვანე ალტერნატივას მიერ მოთხოვნილი ინფორმაცია - ჭიათურაში არსებული მანგანუმის მადნის გამამდიდრებელი ფაბრიკის ექსპლუატაციის პირობების ცვლილების სკოპინგის ანგარიშის საჯარო

განხილვების აუდიოჩანაწერები - საქართველოს ზოგადი ადმინისტრაციული კოდექსის 2.1 მუხლის მ) ქვეპუნქტის თანახმად, არის საჯარო ინფორმაცია. ხოლო, ამავე კოდექსის 42-ე მუხლის ა) ქვეპუნქტის თანახმად, ეს არის საჯარო ინფორმაცია, რომლის გასაიდუმლოება დაუშვებელია. საქართველოს ზოგადი ადმინისტრაციული კოდექსის 37-ე მუხლის თანახმად, ყველას აქვს უფლება მოითხოვოს საჯარო ინფორმაცია მისი ფიზიკური ფორმისა და შენახვის მდგომარეობის მიუხედავად და აირჩიოს საჯარო ინფორმაციის მიღების ფორმა, თუ იგი სხვადასხვა სახით არსებობს.

ჩვენს მიერ მოთხოვნილი აუდიოჩანაწერი არის საჯარო უწყებაში დაცული გარემოსდაცვითი საჯარო ინფორმაცია და ჩვენი უფლებაა მისი მოთხოვნა. გარემოსდაცვითი ინფორმაციისა და განათლების ცენტრის მოვალეობაა მოთხოვნილი ინფორმაციის გაცემა; ხოლო ჩვენი მოთხოვნის შეცვლა სცილდება ცენტრის უფლებამოსილებას.

5. მწვანე ალტერნატივას მიერ მოთხოვნილი ინფორმაცია - ჭიათურაში არსებული მანგანუმის მადნის გამამდიდრებელი ფაბრიკის ექსპლუატაციის პირობების ცვლილების სკოპინგის ანგარიშის საჯარო განხილვების აუდიოჩანაწერები - „გარემოსდაცვით საკითხებთან დაკავშირებული ინფორმაციის ხელმისაწვდომობის, გადაწყვეტილებების მიღების პროცესში საზოგადოების მონაწილეობისა და ამ სფეროში მართლმსაჯულების საკითხებზე ხელმისაწვდომობის შესახებ“ კონვენციის მე-2 მუხლის მე-3 პუნქტის თანახმად, არის გარემოსდაცვითი ინფორმაცია და კონვენციის პირველი, მესამე და მეოთხე მუხლების თანახმად, შეუფერხებლად უნდა იყოს ხელმისაწვდომი საზოგადოებისათვის.

საგანგაშოა, რომ ამ ინფორმაციის გადმოცემაზე უარს სწორედ სსიპ გარემოსდაცვითი ინფორმაციისა და განათლების ცენტრი ამბობს, რომელიც დებულების თანახმად, თავის საქმიანობაში ეყრდნობა „გარემოსდაცვით საკითხებთან დაკავშირებული ინფორმაციის ხელმისაწვდომობის, გადაწყვეტილებების მიღების პროცესში საზოგადოების მონაწილეობისა და ამ სფეროში მართლმსაჯულების საკითხებზე ხელმისაწვდომობის შესახებ“ გაერთიანებული ერების ორგანიზაციის ეკონომიკური კომისიის კონვენციის პრინციპებს; და მისი ერთ-ერთი მთავარი ფუნქცია გარემოსდაცვით ინფორმაციაზე ხელმისაწვდომობის უზრუნველყოფაა ვებგვერდისა და სხვადასხვა საინფორმაციო საშუალებების (ელექტრონული, ბეჭდური, სატელევიზიო და სხვა) გზით.

6. მწვანე ალტერნატივას მიერ მოთხოვნილი ინფორმაცია - ჭიათურაში არსებული მანგანუმის მადნის გამამდიდრებელი ფაბრიკის ექსპლუატაციის პირობების ცვლილების სკოპინგის ანგარიშის საჯარო განხილვების აუდიოჩანაწერები - „გარემოს დაცვის შესახებ“ საქართველოს კანონის მე-4 მუხლის თანახმად, არის გარემოსდაცვითი ინფორმაცია და ამავე კანონის მე-6 მუხლის თანახმად, სრულად და დროულად უნდა იყოს ხელმისაწვდომი ნებისმიერი დაინტერესებული პირისათვის.

7. მწვანე ალტერნატივას მიერ მოთხოვნილი ინფორმაცია - ჭიათურაში არსებული მანგანუმის მადნის გამამდიდრებელი ფაბრიკის ექსპლუატაციის პირობების ცვლილების სკოპინგის ანგარიშის საჯარო განხილვების აუდიოჩანაწერები - საქართველოს კონსტიტუციის 17.2, 18.2 და 29.1 მუხლების თანახმად, დაუბრკოლებლად უნდა იყოს ხელმისაწვდომი.

8. საქართველოს გარემოს დაცვისა და სოფლის მეურნეობის მინისტრის 2018 წლის 22 თებერვლის №2-94 ბრძანებით დამტკიცებული საჯარო განხილვის წესის მიხედვით, „ცენტრის/დამგეგმავი

ორგანოს წარმომადგენელი (წარმომადგენლები) უზრუნველყოფს საჯარო განხილვის სხდომის აუდიოჩანაწერას, ხოლო შესაძლებლობის შემთხვევაში – მის ვიდეოგადაღებას“. ეს არ არის ცენტრის წარმომადგენლის კეთილი ნება და/ან ოქმის შედგენის გაადვილების შესაძლებლობა, როგორც ამას ცენტრის დირექტორის მოვალეობის შემსრულებელი და დირექტორი ამტკიცებენ - აუდიოჩანაწერის ამგვარ დანიშნულებაზე არავითარი მითითება საჯარო განხილვის წესში არ არის. აუდიოჩანაწერი დაცული უნდა იყოს უწყებაში, როგორც საჯარო ინფორმაცია და მოთხოვნის შემთხვევაში ასევე ხელმისაწვდომი უნდა იყოს, როგორც ნებისმიერი სხვა საჯარო ინფორმაცია.

9. ასევე, გაუგებარია გარემოსდაცვითი შეფასების კოდექსის საქართველოს ზოგადი ადმინისტრაციული კოდექსით დადგენილი პროცედურებისაგან განსხვავებულობაზე მითითება. გარემოსდაცვითი შეფასების კოდექსის დანაწესი საქართველოს ზოგადი ადმინისტრაციული კოდექსთან შეუსაბამობის შემთხვევაში გარემოსდაცვითი შეფასების კოდექსის გამოყენების უპირატესობაზე ვერანაირად ვერ შეზღუდავს ჩვენს მიერ მოთხოვნილ ინფორმაციაზე ხელმისაწვდომობას.

გარემოსდაცვითი შეფასების კოდექსის მე-9 მუხლში - „გზმ-ის პროცესში სკოპინგის დასკვნის გაცემა“, აღნიშნულია: „სააგენტო ამ მუხლით დადგენილი წესით იხილავს სკოპინგის დასკვნის გაცემის თაობაზე განცხადებასა და სკოპინგის ანგარიშს და საქართველოს ზოგადი ადმინისტრაციული კოდექსის IX თავით დადგენილი წესით გასცემს სკოპინგის დასკვნას. საქართველოს ზოგადი ადმინისტრაციული კოდექსის IX თავით დადგენილ წესთან შეუსაბამობის შემთხვევაში გამოიყენება ამ კოდექსით დადგენილი ნორმები“.

პირველ რიგში, არ არსებობს ამგვარი შეუსაბამობა; მეორეს მხრივ კი, საგანგაშოა სსიპ გარემოსდაცვითი ინფორმაციისა და განათლების ცენტრის დირექტორი გარემოსდაცვითი შეფასების კოდექსის ამ დათქმის იმგვარად მცდარ ინტერპრეტაციას გვათავაზობს, რომელიც შეზღუდავდა გარემოსდაცვითი ინფორმაციის ხელმისაწვდომობას.

ყოველივე ზემოაღნიშნულის საფუძველზე მიგვაჩნია, რომ საჯარო ინფორმაციის გაცემაზე უარის თქმის შესახებ გადაწყვეტილება უკანონოა.

წარმოდგენილი ადმინისტრაციული საჩივარი აკმაყოფილებს ზოგადი ადმინისტრაციული კოდექსით დადგენილ მოთხოვნებს, დაცულია ამ კოდექსის 181-ე მუხლით გათვალისწინებული საჩივრის ფორმა, მისი წარდგენის კანონით გათვალისწინებული 30 დღიანი ვადა (გასაჩივრებული ქმედება (რეალაქტი) ანუ საჯარო ინფორმაციის გაცემაზე უარის თარიღია: 2023 წლის 17 ოქტომბერი და 2023 წლის 1 ნოემბერი, ხოლო წინამდებარე ადმინისტრაციული საჩივარი წარმოდგენილია 2023 წლის 20 ნოემბერს) არ არსებობს ამავე კოდექსის 182-ე მუხლით დადგენილი ადმინისტრაციული საჩივრის მიღებაზე უარის თქმის საფუძვლები, ადმინისტრაციული საჩივარი წარმოდგენილია უფლებამოსილ ორგანოში, რის საფუძველზეც გთხოვთ:

1. მიიღოთ ადმინისტრაციული საჩივარი წარმოებაში;

2. განიხილოთ ადმინისტრაციული საჩივარი ზეპირი მოსმენით საჩივრის შემომტანი პირის აუცილებელი მონაწილეობით;
3. გაუქმდეს სსიპ გარემოსდაცვითი ინფორმაციისა და განათლების ცენტრის დირექტორის მოვალეობის შემსრულებლის 2023 წლის 17 ოქტომბრის №01/1/2624 გადაწყვეტილება, რომლითაც არ დაკმაყოფილდა ა(ა)იპ „მწვანე ალტერნატივას“ 2023 წლის 9 ოქტომბრის №23/09/03-121 განცხადების მოთხოვნა და სსიპ გარემოსდაცვითი ინფორმაციისა და განათლების ცენტრის დირექტორის 2023 წლის 1 ნოემბრის გადაწყვეტილება, რომლითაც არ დაკმაყოფილდა ა(ა)იპ „მწვანე ალტერნატივას“ 2023 წლის 19 ოქტომბრის №23/09/03-122 განცხადების მოთხოვნა საჯარო ინფორმაციის გადაცემის თაობაზე;
4. სსიპ გარემოსდაცვითი ინფორმაციისა და განათლების ცენტრს დაევალოს ა(ა)იპ „მწვანე ალტერნატივას“ 2023 წლის 9 ოქტომბრის №23/09/03-121 და 19 ოქტომბრის №23/09/03-122 განცხადებებით მოთხოვნილი საჯარო ინფორმაციის გადმოცემა.

საჩივარზე დართული დოკუმენტების ნუსხა:

1. ა(ა)იპ "მწვანე ალტერნატივას" 2023 წლის 9 ოქტომბრის № 23/09/03-121 წერილი - 1 ფურცელი;
2. სსიპ გარემოსდაცვითი ინფორმაციისა და განათლების ცენტრის დირექტორის მოვალეობის შემსრულებლის 2023 წლის 17 ოქტომბრის № 01/1/2624 წერილი (გადაწყვეტილება) – 2 ფურცელი;
3. ა(ა)იპ "მწვანე ალტერნატივას" 2023 წლის 19 ოქტომბრის № 23/09/03-122 წერილი - 2 ფურცელი;
4. სსიპ გარემოსდაცვითი ინფორმაციისა და განათლების ცენტრის დირექტორის 2023 წლის 1 ნოემბრის წერილი - 2 ფურცელი;
5. ამონაწერი სამეწარმეო რეესტრიდან - 2 ფურცელი;
6. რწმუნებულება - 2 ფურცელი.

სულ დანართი: 11 ფურცელი.

წინასწარ გიხდით მადლობას თანამშრომლობისათვის.

პატივისცემით,

ნინო გუჯარაიძე
ადმასრულებელი დირექტორი

From: [Nino Gujaraidze \(Green Alternative\)](#)
To: ["nika.pkhovelishvili@eiec.gov.ge"](mailto:nika.pkhovelishvili@eiec.gov.ge)
Cc: ["INFO EIEC"](#)
Subject: შპს „ჯორჯიან მანგანუმი“ სკოპინგის ანგარიშის საჯარო ჯარო განხილვის აუდიოჩანაწერის მოთხოვნის თაობაზე
Date: ორშაბათი, 09 ოქტომბერი, 2023 13:24:00
Attachments: [image002.png](#)

გთხოვთ, დამიდასტუროთ წერილის მიღება.

№ 23/09/03-121

სსიპ გარემოსდაცვითი ინფორმაციისა და განათლების ცენტრის
საჯარო ინფორმაციის ხელმისაწვდომობის უზრუნველყოფასა და ინფორმაციის პროაქტიულ
გამოქვეყნებაზე პასუხისმგებელი პირს
ქალბატონ ლიკა ფხოველიშვილს

ქალბატონო ლიკა,

გთხოვთ, გადმოგვცეთ 2023 წლის 5 ოქტომბერს ქ. ჭიათურასა და სოფ. ზოდში შპს „ჯორჯიან მანგანუმი“ ქ. ჭიათურაში არსებული სასარგებლო წიაღისეულის გადამამუშავებელი საწარმოს (მანგანუმის მადნის გამამდიდრებელი ფაბრიკა) ექსპლუატაციის პირობების ცვლილების სკოპინგის ანგარიშის საჯარო განხილვების აუდიოჩანაწერები.

გთხოვთ, გვაცნობოთ თუკი მოთხოვნილი საჯარო ინფორმაციის გაცემისათვის საჭიროა 10 დღიანი ვადა.

წინასწარ გიხდით მადლობას თანამშრომლობისათვის.

პატივისცემით,

ნინო გუჯარაიძე
ადმასრულებელი დირექტორი



თბილისი, 0179, ფალიაშვილის 39ბ, IV სართული
ტელ.: (+99532) 222 38 74
www.greenalt.org



**სსიპ გარემოსდაცვითი ინფორმაციისა
და განათლების ცენტრი**

მარშალ გელოვანის გამზირი №32გ
0159 თბილისი, საქართველო
+995 32 2 11 20 23
info@eiec.gov.ge
eiec.gov.ge

17 ოქტომბერი 2023



N 01/1/2624

არასამთავრობო ორგანიზაცია „მწვანე ალტერნატივას“
აღმასრულებელ დირექტორს
ქალბატონ ნინო გუჯარაიძეს

ქალბატონო ნინო,

თქვენი მოთხოვნის პასუხად, რომელიც შეეხება 2023 წლის 5 ოქტომბერს ქ. ჭიათურასა და სოფ. ზოდში შპს „ჯორჯიან მანგანუზის“ ქ. ჭიათურაში არსებული სასარგებლო წიაღისეულის გადამამუშავებელი საწარმოს (მანგანუმის მადნის გამამდიდრებელი ფაბრიკა) ექსპლუატაციის პირობების ცვლილების სკოპინგის ანგარიშის საჯარო განხილვების აუდიოჩანაწერების გადმოცემას გაცნობებთ, რომ საჯარო განხილვის პროცესს წარმართავს სსიპ გარემოსდაცვითი ინფორმაციისა და განათლების ცენტრი (შემდგომში ცენტრი) და საჯარო განხილვის შესახებ ოქმს ადგენს ცენტრის უფლებამოსილი წარმომადგენელი. საჯარო განხილვის სხდომის აუდიო ჩაწერა ხორციელდება ოქმის სისწორის უზრუნველყოფის მიზნით, ხოლო საჯარო განხილვის ჩატარებიდან 5 დღის ვადაში დგება საჯარო განხილვის შესახებ ოქმი. საჯარო განხილვაში მონაწილე პირს უფლება აქვს, გაეცნოს ოქმს და გაცნობიდან 3 დღის ვადაში წარადგინოს შენიშვნები მის თაობაზე, მიუთითოს მასში არასწორი ან არასრული ინფორმაციის არსებობა. თუ ადმინისტრაციული ორგანო ეთანხმება შენიშვნას – ადასტურებს მის სისწორეს, ხოლო თუ არ ეთანხმება – გამოსცემს ინდივიდუალურ ადმინისტრაციულ-სამართლებრივ აქტს შენიშვნის უარყოფის შესახებ, რომლის გასაჩივრება შესაძლებელია ზემდგომ ადმინისტრაციულ ორგანოში კანონმდებლობით დადგენილი წესით.

ყოველივე ზემოაღნიშნულიდან გამომდინარე, გიგზავნით ქ. ჭიათურასა და სოფ. ზოდში შპს „ჯორჯიან მანგანუზის“ ქ. ჭიათურაში არსებული სასარგებლო წიაღისეულის გადამამუშავებელი საწარმოს (მანგანუმის მადნის გამამდიდრებელი ფაბრიკა) ექსპლუატაციის პირობების ცვლილების სკოპინგის ანგარიშის საჯარო განხილვების სხდომების ოქმებს და გაცნობებთ, რომ ოქმების გაცნობიდან 3 დღის ვადაში უფლება გაქვთ წარადგინოთ შენიშვნები.

დანართი: 17 (ჩვიდმეტი) გვერდი.

პატივისცემით,

From: [Nino Gujaraidze \(Green Alternative\)](#)
To: "INFO EIEC"
Cc: "ლიკა ფხოველიშვილი"
Subject: შპს „ჯორჯიან მანგანუმი“ სკოპინგის ანგარიშის საჯარო განხილვის აუდიოჩანაწერის მოთხოვნის თაობაზე
Date: ხუთშაბათი, 19 ოქტომბერი, 2023 17:46:00
Attachments: [image002.png](#)
[image004.png](#)

გთხოვთ, დამიდასტუროთ წერილის მიღება.

№ 23/09/03-122

სსიპ გარემოსდაცვითი ინფორმაციისა და განათლების ცენტრის დირექტორის მ.შ.
ქალბატონ ეკატერინე ბენდელიანს

სსიპ გარემოსდაცვითი ინფორმაციისა და განათლების ცენტრის
საჯარო ინფორმაციის ხელმისაწვდომობის უზრუნველყოფასა და ინფორმაციის პროაქტიულ
გამოქვეყნებაზე პასუხისმგებელი პირს
ქალბატონ ლიკა ფხოველიშვილს

ქალბატონო ეკატერინე,

მადლობას მოგახსენებთ თქვენი 2023 წლის 17 ოქტომბრის N01/1/2624 წერილით მოწოდებული
ინფორმაციისათვის, თუმცა როგორც მოგხსენებთ ჩვენი 9 ოქტომბრის წერილით ვითხოვდით საჯარო
განხილვის აუდიოჩანაწერს და არა ოქმს, რომელიც თქვენი წერილით გადმოგვეცა.

როგორც მოგხსენებთ, საქართველოს ზოგადი ადმინისტრაციული კოდექსის თანახმად, საჯარო
ინფორმაცია არის: ოფიციალური დოკუმენტი (მათ შორის, ნახაზი, მაკეტი, გეგმა, სქემა, ფოტოსურათი,
ელექტრონული ინფორმაცია, ვიდეო- და აუდიოჩანაწერები), ანუ საჯარო დაწესებულებაში დაცული,
აგრეთვე საჯარო დაწესებულების ან მოსამსახურის მიერ სამსახურებრივ საქმიანობასთან დაკავშირებით
მიღებული, დამუშავებული, შექმნილი ან გაგზავნილი ინფორმაცია. ასევე, საქართველოს ზოგადი
ადმინისტრაციული კოდექსის თანახმად, ყველას აქვს უფლება მოითხოვოს საჯარო ინფორმაცია მისი
ფიზიკური ფორმისა და შენახვის მდგომარეობის მიუხედავად და აირჩიოს საჯარო ინფორმაციის მიღების
ფორმა, თუ იგი სხვადასხვა სახით არსებობს.

ჩვენს მიერ მოთხოვნილი აუდიოჩანაწერი არის საჯარო უწყებაში დაცული საჯარო ინფორმაცია და ჩვენი
უფლებაა მისი მოთხოვნა. გარემოსდაცვითი ინფორმაციისა და განათლების ცენტრის მოვალეობაა
მოთხოვნილი ინფორმაციის გაცემა; ხოლო ჩვენი მოთხოვნის შეცვლა სცილდება ცენტრის
უფლებამოსილებას.

აქვე მოგახსენებთ, რომ შესაძლოა ცენტრის თანამშრომლები ჩანაწერს თქვენს მიერ მითითებული მიზნით
აკეთებენ, მაგრამ საქართველოს გარემოს დაცვისა და სოფლის მეურნეობის მინისტრის 2018 წლის 22
თებერვლის №2-94 ბრძანებით დამტკიცებული საჯარო განხილვის წესის მიხედვით,
„ცენტრის/დამგეგმავი ორგანოს წარმომადგენელი (წარმომადგენლები) უზრუნველყოფს საჯარო
განხილვის სხდომის აუდიოჩანაწერს, ხოლო შესაძლებლობის შემთხვევაში – მის ვიდეოგადაღებას“. ეს არ
არის ცენტრის წარმომადგენლის კეთილი ნება და/ან ოქმის შედგენის გაადვილების შესაძლებლობა.
აუდიოჩანაწერი დაცული უნდა იყოს უწყებაში, როგორც საჯარო ინფორმაცია და მოთხოვნის შემთხვევაში
ასევე ხელმისაწვდომი უნდა იყოს, როგორც ნებისმიერი სხვა საჯარო ინფორმაცია.

ამასთანავე, ყოველივე ზემოაღნიშნული გარეშე, გაუგებარია რა შეიძლებაოდა გამხდარიყო **საჯარო**
განხილვის ჩანაწერის მოუწოდებლობის მიზეზი.

გთხოვთ, უზრუნველყოთ ჩვენი ა.წ 9 ოქტომბრის #23/09/03-121 წერილით მოთხოვნილი საჯარო
ინფორმაციის გადმოცემა.

წინასწარ გიხდით მადლობას თანამშრომლობისათვის.
პატივისცემით,

ნინო გუჯარაიძე
აღმასრულებელი დირექტორი



მწვანე ალტერნატივა

თბილისი, 0179, ფაქიაშვილის 39ბ, IV სართული
ტელ.: (+99532) 222 38 74
www.greenalt.org

From: INFO EIEC <info@eiec.gov.ge>
Sent: Tuesday, October 17, 2023 4:27 PM
To: Nino Gujaraidze (Green Alternative) <ngujaraidze@greenalt.org>
Cc: ლიკა ფხოველიშვილი <Lika.Pkhovelishvili@eiec.gov.ge>
Subject: RE: [BULK] შპს „ჯორჯიან მანგანუზის“ სკოპინგის ანგარიშის საჯარო განხილვის აუდიოჩანაწერის მოთხოვნის თაობაზე

მოგესალმებით,

სსიპ გარემოსდაცვითი ინფორმაციისა და განათლების ცენტრის კომპეტენციის ფარგლებში გიგზავნით პასუხს თქვენს მიერ მოთხოვნილ საჯარო ინფორმაციასთან დაკავშირებით.

გთხოვთ, დაგვიდასტუროთ წერილის მიღება.

პატივისცემით,



**სსიპ გარემოსდაცვითი
ინფორმაციისა და
განათლების ცენტრი**



სსიპ გარემოსდაცვითი ინფორმაციისა და განათლების ცენტრი
საქართველოს გარემოს დაცვისა და სოფლის მეურნეობის სამინისტრო

მარშალ გელოვანის გამზ. 32გ, 0159, თბილისი
(+995 322) 112023
info@eiec.gov.ge
eiec.gov.ge

From: Nino Gujaraidze (Green Alternative) <ngujaraidze@greenalt.org>
Sent: Monday, 09 October, 2023 13:24
To: ლიკა ფხოველიშვილი <Lika.Pkhovelishvili@eiec.gov.ge>
Cc: INFO EIEC <info@eiec.gov.ge>
Subject: [BULK] შპს „ჯორჯიან მანგანუზის“ სკოპინგის ანგარიშის საჯარო ჯარო განხილვის აუდიოჩანაწერის მოთხოვნის თაობაზე

გაფრთხილება: თქვენ მიიღეთ გარე ორგანიზაციის/პირის მიერ გამოგზავნილი ელექტრონული წერილი. ბმულზე გადასვლამდე ან ფაილის გახსნამდე გთხოვთ დარწმუნდეთ, რომ ელ-ფოსტის მისამართი სანდოა.

გთხოვთ, დამიდასტუროთ წერილის მიღება.



სსიპ გარემოსდაცვითი ინფორმაციისა და განათლების ცენტრი

მარშალ გელოვანის გამზირი №32გ
0159 თბილისი, საქართველო
+995 32 2 11 20 23
info@eiec.gov.ge
eiec.gov.ge

01 ნოემბერი 2023



N 01/1/2811

არასამთავრობო ორგანიზაცია „მწვანე ალტერნატივას“
ადმასრულებელ დირექტორს
ქალბატონ ნინო გუჯარაიძეს

ქალბატონო ნინო,

მიმდინარე წლის 19 ოქტომბერს გარემოსდაცვითი ინფორმაციისა და განათლების ცენტრში შემოსული წერილის პასუხად, რომელიც ეხება 2023 წლის 5 ოქტომბერს ქ.ჭიათურასა და სოფელ ზოდში შპს „ჯორჯიან მანგანუმი“ ქ.ჭიათურაში არსებული სასარგებლო წიაღისეულის გადამამუშავებელი საწარმოს ექსპლუატაციის პირობების ცვლილების სკოპინგის ანგარიშის საჯარო განხილვების აუდიოჩანაწერების მოთხოვნას, გაცნობებთ, რომ გარემოსდაცვითი შეფასების კოდექსის რეგულირების სფეროს განეკუთვნება გარემოზე ზემოქმედების შეფასების, სტრატეგიული გარემოსდაცვითი შეფასების, გარემოზე ტრანსსასაზღვრო ზემოქმედების შეფასების, შესაბამისი გადაწყვეტილების მიღების პროცესში საზოგადოების მონაწილეობისა და ექსპერტიზის ჩატარების პროცედურები. აღნიშნული კოდექსის საფუძველზე საქართველოს გარემოს დაცვისა და სოფლის მეურნეობის მინისტრის 2018 წლის 22 თებერვლის N 2-94 ბრძანებით შემუშავდა და დამტკიცდა „საჯარო განხილვის წესი“, რომელიც ადგენს საჯარო განხილვის ჩატარების, მასში საზოგადოების/დაინტერესებული საზოგადოების მონაწილეობისა და ამ მიზნით შესაბამისი ინფორმაციის ხელმისაწვდომობის ზოგადი ადმინისტრაციული კოდექსისგან განსხვავებულ სპეციალურ წესებს.

საქართველოს გარემოს დაცვისა და სოფლის მეურნეობის მინისტრის 2018 წლის 22 თებერვლის N 2-94 ბრძანებით დამტკიცებული „საჯარო განხილვის წესის“ მე-10 მუხლის მე-4 პუნქტი ითვალისწინებს საჯარო ინფორმაციის ფარგლებში საჯარო განხილვის ოქმის გამოთხოვის და მასზე შენიშვნების წარმოდგენის შესაძლებლობას, ხოლო საჯარო განხილვის აუდიო-ჩაწერა ხორციელდება ოქმის შედგენის უზრუნველსაყოფად.

პატივისცემით,

თამარ ალადაშვილი

ე.



ცენტრის დირექტორი

სსიპ გარემოსდაცვითი ინფორმაციისა და განათლების ცენტრი

